

**Magpahimulos ni Cristo nga Realidad
sa Jubileo sa Bag-ong Tugon**

Basahong Kasulatan: Lev. 25:8-17; Isa. 61:1-3;
Luc. 4:16-22; Buh. 26:16-19

**I. Ang tuig sa jubileo sa Levitico 25:8-17 girekord ingog panagna sa Isaias 61:1-3 ug natu-
man sa realidad sa Lucas 4:16-22:**

- A. Dunay duha ka dakong panalangin sa tuig sa jubileo: ang pagpamauli sa tagsatagsa ka tawo sa nawalang katigayonan niya ug ang kagawasan sa pagkaulipon—Lev. 25:8-17:
 - 1. Sa tuig sa jubileo tanang nagbaligya sa iyang katigayonan, sa pahat niya sa maayong yuta, gipabalik niini sa walay pagbayad og bisan unsa sa paglukat niini (vv. 10, 13, 28), ug tanang nagbaligya sa iyang kaugalingon nga maulipon makabaton pag-usab sa iyang ka-gawasan ug makauli sa iyang pamilya (vv. 39-41).
 - 2. Kanang mopauli sa iyang katigayonan ug mahigawas ug mopauli sa iyang pamilya nag-timaan nga sa jubileo sa Bag-ong Tugon namalik na ang mga magtutuo sa Dios nga nawa-lang diosnong katigayonan nila, gipahigawas na sa tanang gapos, ug namauli na sa iglesia nga diosnong pamilya nila—Efe. 1:13-14; Juan 8:32, 36; itandi sa Sal. 68:5-6.
- B. Sa hulagway sa Daang Tugon molungtad og usa ka tuig ang jubileo, apan sa katumanan nag-pasabot kini sa tibuok panahon sa Bag-ong Tugon, sa panahon sa grasya, sa panahon nga kahinangpan sa Dios ang nanguli nga mga binihag sa sala (Isa. 49:8; Luc. 15:17-24; 2 Cor. 6:2) ug sa dihang makapahimulos sa kagawasan sa kaluwasan sa Dios ang mga gidaugdaog nga ginapos sa sala (Rom. 7:14—8:2).
- C. Ang pagpahimulos sa mga magtutuo sa jubileo sa panahon sa grasya (ang pagpahimulos nila ni Cristo nga grasya sa Dios kanila) mosangpot sa hingpit nga pagpahimulos sa jubileo sa millennium ug sa kinahingpitang pagpahimulos sa Bag-ong Jerusalem sa bag-ong langit ug bag-ong yuta—Juan 1:16-17; Rom. 5:17; Fil. 3:14; Bug. 22:1-2a.

**II. Ang tuig sa jubileo mao ang panahon ni Cristo nga grasya nga gipaambit kanato aron
atong mapahimuslan pinaagi sa Iyang mga pulong sa grasya; panahon sa hilabihang
kalipay tungod sa atong kaluwasan ang jubileo sa Bag-ong Tugon—Luc. 4:22; Sal. 45:2;
Juan 1:14-17; 2 Cor. 6:2:**

- A. Ang panahon sa Bag-ong Tugon panahon sa hilabihang kalipay, ug ang Cristohanon tawong malipayon kaayo; kon wala pa ta sukad magkalipay sa hilabihan atubangan sa Dios, nagpa-kita kini nga dili pa igo ang pagpahimulos nato sa Dios—5:13; Buh. 11:5; 22:17; Sal. 43:4a; 51:12; 1 Ped. 1:8; Isa. 12:3-6.
- B. Nagpasabot ang *jubileo* og wala tay kaguol o kabalaka, walay atubangonon o atimanonon, walay kakulang o kawalad-on, walay balatian o katalagman, ug walay bisan unsang problema, naa hinuoy tanang kaayohan; busa, makalipay ug makatagbaw sa atong kasingkasing ang tanang butang, ug wala tay kabalaka, hayahay, naukyab, ug masadyaon—Sal. 103:1-5; 116:1-7, 12-13, 17-19.
- C. Dawaton gyod nato si Ginoong Jesus isip tinuod nga jubileo sa sulod nato; kon maato Siya, naa tay Dios nga katigayonan nato ug mahigawas ta sa pagkaginapos sa sala ug ni Satanas aron tinuod tang magawasnon ug makapahulay—Buh. 26:18; Efe. 1:13-14; Col. 1:12; Mat. 11:28; Juan 8:32, 36:
 - 1. Sa dawaton nato si Cristo isip atong Manluluwas ug kinabuhi, mosulod Siya nato aron mahimong jubileo nato, apan kon dili nato Siya pakinabuhion sa sulod nato ug kon dili ta magkinabuhi pinaagi Niya, wala ta praktikal nga magkinabuhi sa jubileo—vv. 11-12.

2. Kon natumong ang atong kasingkasing kang bisan kinsang tawo o sa bisan unsang butang nga dili ang Ginoo mismo, pagsimbag diosdios kini, ug mosangpot sa pagkaalaot—1 Juan 5:21; itandi sa Ezeq. 14:3, 5; 6:9.
 3. Kon pakinabuhion nato si Cristo sa sulod nato ug magkinabuhi ta pinaagi Niya, matagbaw gyod ta sa tanan; kay kon dili, problema gyod ang tanan, ug walay bisan unsa nga jubileo.
- D. Makatagbaw lang nato ang tanan kon naa na nato ang malangkobon-sa-tanan nga Cristo nga pagpahimulos nato; dili ang mga tawo o mga butang ba nga makita, kondili si Cristo nga naa sa sulod nato, ang makapakalma ug makapawalay-mga-kabalaka nato sa pag-atubang nato sa tanang sitwasyon—Fil. 3:8-9; 4:5-8, 11-13.

III. Ang pagmantala sa jubileo sa Lucas 4 maoy nagdumala sa sentrong hunahuna sa tibuok Ebanghelyo ni Lucas, ug ang mga sambingay sa maayong Samarianhon sa Lucas 10 ug sa anak nga mausikon sa Lucas 15 maayo kaayong mga hulagway sa jubileo:

- A. Ang Tawo-Manluluwas nga gipakita sa sambingay sa maayong Samarianhon nagpasabot sa pagpadayag sa diosnon Niyang mga kaayo ug sa tawhanon Niyang maayong mga kagawian—10:25-37:
1. Ang Tawo-Manluluwas, sa Iyang pagpangalagad nga nangita sa nawala ug nagluwas sa makasasala (19:10), nilugsong sa dapit nga nahimutangan sa nasamdan ug makaluluoy ug himalatyong biktima sa Judiohanong mga tulisan.
 2. Sa pagkakita sa Tawo-Manluluwas kaniya, gibati Siyag puangod diha sa Iyang pagkatawo ug sa Iyang pagkadios, ug gisilbihan siyag malumong pag-ayo ug makaluwas nga pag-atiman, nga hingpit gyong nagtagbo sa dinaliang panginahanglan niya—10:33-35.
- B. Ang Tawo-Manluluwas nga gipakita sa sambingay sa anak nga mausikon nagpakita sa Iyang maatimanon, mapangitaon, ug nagluwas nga Espiritu ug sa mahigugmaon, mapasayloon, ug mapuangorong kasingkasing sa Amahan—15:11-32; itandi sa 9:55-56:
1. Usa ka adlaw niana nipauli ang anak nga mausikon sa iyang katigayonan ug sa balay sa iyang amahan; jubileo kadto, pagkahigawas, ug nahimong makapahimuot ug makatagbaw ang tanan—15:20, 24; itandi sa Lev. 25:10-12.
 2. Ang maluwas pagpauli man nato sa atong panulundon, pagpauli nato sa Dios, pagbalik nato sa Dios ug pagpahimulos na sab Kaniya nga katigayonan nato (Efe. 1:13-14); ang maluwas kana mang makabaton sa Dios; kon naa nato ang Dios, naa nato ang tanan; kon walay Dios, wala tay nahot (Col. 1:12).
 3. Nahimo nang bulahang pahat nato ang Dios diha ni Cristo, apan dili malipayon ang daghang Cristohanon ug samag mga suga nga wala mosiga, kay wala man nila “gipindot ang switch” sa paghimo sa Dios nga pahat nila—Efe. 4:18; Fil. 2:12-16.
 4. Ang pagdawat sa amahan sa anak ug ang pagpauli sa anak sa iyang amahan ug sa balay sa iyang amahan mao ang tuig sa jubileo sa anak, ang tuig sa grasya—Luc. 15:20.
 5. Ang Dios diha ni Cristo nahimo nang pinatambok nga nating baka aron mapahimuslan sa mahinulsolon ug nipauling mga anak nga mausikon—v. 23.
 6. Nitakdo kini sa Levitico 25:11-12, nga nag-ingon nga dili mopugas o moani ba ang mga tawo sa tuig sa jubileo kondili mokaon ug mopahimulos lang; sa maghinulsol ug mobalik ta sa Dios sa pagdawat nato ni Ginoong Jesus, mabatonan nato ang Dios sa sulod nato, ug kini ang sinugdanan sa atong jubileo.
 7. Dili ta sinuholang mga suluguon sa Amahan kondili nagpahimulos nga mga anak Niya, ug mapadayonon tang makapahimulos sa Dios nga atong katigayonanon sukad karon hangtod sa eternidad.

IV. Magpahimulos gyod ta ni Cristo nga realidad sa mga kagawasan ug panalangin sa jubileo sa Bag-ong Tugon—Luc. 4:18-19:

- A. Aron makapahimulos ni Cristo nga realidad sa jubileo, mogugol gyod tag panahon uban sa Ginoo adlaw-adlaw aron maminaw sa Iyang pulong ug matuhopan Niya; mosunod gyod ta sa sumbanan ni Maria, nga nilingkod sa tiilan sa Ginoo ug naminaw sa Iyang pulong—10:39:
1. Naa siya sa tiilan ni *Ginoong Jesus* ug dili sa tiilan ni bisan kinsa; niduol siya sa Ginoo; wala gyoy paagi nga mas maayo pa kaysa moduol Niya matag gutlo, mahigugma, mosimba, makig-ambitay Niya sa walay pag-undang, ug magpabilin sa Iyang presensya.
 2. Nilingkod siya sa *tiilan* sa Ginoo, nagpasabot nga nagpaubos siya aron makadawat sa Ginoo nga grasya (1 Ped. 5:5); dili pagtamay sa atong kaugalingon ang pagpaubos; ang pagpaubos pagbalewala, pagpawalay-pulos, ug pag-isip man sa atong kaugalingon nga walay nahot.
 3. *Nilingkod* siya; ang kahilom atubangan sa Ginoo maoy sagad nga tinubdan sa espirituhanong kusog (Isa. 30:15a); sagad nga malinga ang mga mata ug hunahuna sa tawo sa kalibotan sa gawas; dili dayon mapadaygan ang mga nagkapuliki sa ilang naglatagaw ug maduhaduhaong mga hunahuna.
 4. *Naminaw* siya sa *pulong sa Ginoo*; ang mga pulong nga gisulti sa Ginoo espiritu ug kinabuhi (Juan 6:63) aron ipaambit ang Iyang kaugalingon sa mga tawo; ang pagpaminaw niya sa pulong sa Ginoo naghatag Kaniyang higayon nga makig-ambitay Siya mismo kaniya aron sige niyang madawat ug mabatonan ang Ginoo.
- B. Tungod sa kaluwasan sa Dios nabatonan nato ang tinuod nga kagawasan; ang atong katigayonan mao ang Dios, ug naggikan ang kagawasan nato sa pagpahimulos nato sa Dios; kon dili magpahimulos ang tawo sa Dios, wala siyay tinuod nga kagawasan; nagpasabot ang Kagawasan og pagkahigawas, mahigawas sa tanang gapos, tanang bug-at nga luwan, tanang pagdaugdaog, ug tanang pagkaulipon—8:32, 36; Gal. 5:1; 2 Cor. 3:17.
- C. Una, gibihag ta ni Satanas; unya nianhi siya aron mopuyo kanato ingog tighulhog sa atong mga sala; ang resulta mao nga nahimo siyang dili balaodnong agalon nato, ug nahimo tang mga binihag niya hangtod nga dili na ta makahimog maayo ug makahimo ra sa pagpakasala—Rom. 7:14; 1 Juan 5:19:
1. Kon walay Dios ang tawo, bisan unsay pahimuslan niya nga bulag sa Dios kalan-on lang sa iro, biya, ug tai—Fil. 3:7-9; itandi sa 2 Ped. 2:22.
 2. Ginganlan si Satanas og Beelzebul, nga nagpasabot og “ang ginoo sa bungdo-sa-tai,” gikan sa *Beelzebub*, nga nagpasabot og “ang ginoo sa mga langaw”; espesyalista si Satanas sa pagdala sa mga makasasala samag mga langaw aron mangaon og tai—Mat. 10:25; 12:24, 27; 2 Hari 1:2.
 3. Bisat tuod sa kahiladman sa iyang kasingkasing walay tawong gustong magpakasala, sa kapulihay makasala ang tanan; walay tawong makakontrol sa iyang kaugalingon, ug nalulipon na sa sala ang tanan—Rom. 7:18-23; Juan 8:34.
- D. Ang desperadong pagtuaw ni Pablo sa Roma 7:24 gitubag sa Roma 8:2, nga nag-ingon nga gipahigawas na ta sa balaod sa Espiritu sa kinabuhi diha ni Cristo Jesus gikan sa balaod sa sala ug kamatayon.
- E. Mahigawas lang ta ug dunay tinuod nga kagawasan sa pagpahimulos nato ni Cristo nga Espiritung taghatag-og-kinabuhi; kadto rang nagpahimulos sa Dios ang dili magpakasala ug tinuod nga gawasnon, nagkinabuhi sa kinabuhing gawasnon, hinubaran, ug nahigawas sa pagkagapos—Juan 8:11-12, 24, 28, 31-36:
1. Gipahigawas ta sa balaod sa Espiritu sa kinabuhi gikan sa balaod sa sala ug kamatayon; kining balaora mao ang Ginoo mismo, nga niagi sa kamatayon ug pagkabanhaw aron mahimong Espiritung taghatag-og-kinabuhi—Rom. 8:2.
 2. Kon dili igo ang pagpahimulos nato sa Ginoo, magapos gihapon ta sa daghang butang; dili magpulos ang paghukom nato; mapadayonon gyod tang moduol sa Ginoo aron mokaon ug mopahimulos Niya—1 Cor. 1:9; Bug. 2:7; Isa. 55:1-2.

3. Gipahigawas ta ni Cristo nga jubileo gikan sa atong pagkakabos, pagkabinihag, pagkabuta, ug pagkadinaugdaog—Eccl. 1:2, 14; 3:11; Fil. 3:8; 2 Ped. 2:22; Luc. 12:21; Bug. 3:17.
- F. Ang pagkinabuhi sa jubileo pagkinabuhi nga nagpahimulos ni Cristo, pagkinabuhi nga nagpahimulos sa Dios nga atong panulundon ug tinuod nga kagawasan—Buh. 26:18; Juan 8:36:
1. Ang pagkinabuhi sa jubileo kinabuhi man nga gidawat nato ang Dios mismo, si Cristo mismo, sa tanang sitwasyon; mahimo dayon Siyang labing mahinungdanong butang ug sentro sa sulod nato nga modaog sa tanang kasamok sa kinabuhi sa tawo—6:16-21; Col. 1:17, 18b; Fil. 4:6-7, 11-12.
 2. Kay naa man sa Iyang pagbuot ang tanan, moampo gyod ta nga, “Ginoo, pun-a ko, batoni ko, ug panagiyaha ko; bisan unsa pa ang dayag nga sitwasyon nako, gusto lang kong mopahimulos Nimo”; mahimo gyod unta tang mga ministro ug mga saksi karon sa pagkinabuhi ug pagmantala nato sa ebanghelyo—ni Cristo nga jubileo sa grasya—aron mahuman ang walay kataposang pamatigayon sa Dios—Buh. 26:16-19.